

#### 4. *Myrmecophyes aeneus* Reut.

Breviusculus et latiusculus, subdeplanatus, nigro-aeneus, capite, pronoto scutelloque parce sat longe fusco-pilosis, hemelytris nigris, subchalybeo-nitidis, coriaceis, formae brachypterae apice recte truncatis, angulo externo late rotundatis, commissura mesonoto aequae longa (♀) vel brevior (♂), limbo apicali toto concolore vel latera versus magis minusve late albo vel albido-flavo; abdomine basi haud constricto, versus apicem levius (♂) vel fortiter ampliato, pentagonali (♀), disco levissime convexiusculo (♂) vel deplanato (♀); oculis sessilibus; antennis nigris, articulo primo gracili, setis plurimis rigidis instructo, latitudini verticis oculique unici aequae longo (♂) vel latitudine verticis parum longiore (♀); pedibus testaceis, femoribus longius nigro-setosis, incrassatis, anterioribus antice et postice, posticis apice obscure infuscatis, tibiis posticis margine inferiore fuscis, omnibus apice cum tarsis nigris, pronoto formae brachypterae sat fortiter transverso. Long. ♂  $2\frac{1}{2}$ – $2\frac{3}{4}$ , ♀ 3 mm.

Hab. in montibus Transalaiensibus Tuskestaniae (Aram-Kungei, 11,500' s. m. in initio maji 1895), D. Korschinski (Mus. Petrop.).

Ab omnibus reliquis hactenus cognitis hujus generis corpore aeneo-nitido, planiusculo, abdomine feminae pentagonali versus apicem fortius dilatato, disco deplanato distinctissimus. Caput basi pronoti formae brachypterae latitudine oculi unici latius, vertice oculo circiter  $2\frac{1}{3}$  (♂) vel fere  $2\frac{1}{2}$  (♀) latiore, fronte basi tenuiter radiatim strigosa. Oculi fusci, laeves. Rostrum apicem coxarum posticarum subattingens, nigrum. Antennae articulo primo (♂♀) basin versus levissime curvato, secundo hoc paullo magis quam duplo (♂) vel fere  $2\frac{1}{3}$  (♀) longiore, apicem versus sensim leviter incrassato, tertio secundo paullo magis quam  $\frac{1}{3}$  (♂) vel circiter  $\frac{2}{5}$  (♀) brevior, quarto tertio fere  $\frac{2}{5}$  brevior. Pronotum capiti a supero viso aequae longum (♂) vel hoc fere brevius (♀), formae brachypterae latitudine basali saltem  $\frac{1}{4}$  brevius, apice et basi aequae latis, disco subhorizontali, lateribus levissime declivibus, basi transversim strigosa. Mesonotum pro-